

# Meeqqaqut tapiissutit pillugit Inatsisartut inatsisaat

## Kapitali 1

*Aalajangersakkat nalinginnaasut*

**§ 1.** Inatsit manna tunngavigalugu meeqqaqut tapiissutisisinnaatitaanermi makku piumasaqaataapput:

- 1) meeraq 18-it inorlugit ukioqassasoq,
- 2) meeraq Kalaallit Nunaanni kommunimi innuttaaffeqartuussasoq aamma meeqqaqut tapiissutinik tigusisinnaatitaasoq Kalaallit Nunaanni aalajangersimasumik najugaqartuullunilu inuit aqqisa allattorsimaffianni nalunaarsorneqarsimassasoq,
- 3) meeraq meeqqaqanulluunniit tapiissutinik tigusisinnaatitaasoq qallunaatut innuttaassuseqassasoq, imaluunniit meeraq meeqqaqanulluunniit tapiissutinik tigusisinnaatitaasoq ukiumi kingullermi Kalaallit Nunaanni najugaqarsimassasoq,
- 4) meeraq meeqqaqanik inuuusuttunillu ikorsiisarneq pillugu peqqussut tunngavigalugu pisortanit angerlarsimaffiup avataanut inissinneqarsimassanngitsoq imaluunniit pisortanit allatigut pilersorneqartoq aamma
- 5) meeraq katissimassanngitsoq.

*Imm. 2. Inunnut Nunat Avannarliit Isumaqatigiissutaat social sikring pillugu imaluunniit nunat tamalaat isumaqatigiissutaat allat naapertorlugit isumannaallisaatitut ikorsiissutinik tigusisinnaatitaasunut meeqqap Kalaallit Nunaanni kommunimi innuttaaffeqartuunissaanik piumasaqaat atuutinngilaq.*

**§ 2.** Meeqqaqut tapiissutit meeqqap pilersorneqarnissaanut tunniunneqartarput, meeqqamillu pineqartussaallutik.

*Imm. 2. Meeqqaqut tapiissutit inummut tapiissutinik pisinnaatitaasumut tunniunneqarnissaannik akiligassaqarfigisamit malersorneqataassanngitsoq, utertitsilluni akiliuteqartitsisoqarsinnaanani il.il.*

*Imm. 3. Meeqqaqut tapiissuteqartarnermi ukioq qaammatisiuteqarfiusoq malinneqassaaq.*

**§ 3.** Meeqqaqut tapiissutit amerlassusissaat ukiumut meeqqaqut tapiissuteqarfiusumut aningasanut inatsimmi aalajangersarneqartarput, tunniunneqartartussaallutillu ukiumi inaarutaasumik akileraaruteqarfiusumi kingullermi, isertitanut killissarititat aningasanut inatsimmi aalajangersarneqartut malillugit.

*Imm. 2. Angajoqqaat najugaqatigiippata, meeqqamut tapiissutit angajoqqaat katillutik isertitaat akileraaruteqaataasussat aallaavigalugit tunniunneqassapput.*

*Imm. 3. Meeraq angajoqqaami arlaanni najugaqarpal, meeqqaqut tapiissutit tunniunneqassapput taassuma isertitai akileraaruteqaataasussat aallaavigalugit. Angajoqqaq taanna katissimappat imaluunniit aalajangersimasumik inooqateqarpal appaasup isertitai akileraaruteqaataasussat imaluunniit*

inooqataasup isertitai akileraaruteqaataasussat naatsorsuutigineqassapput, inooqatigiinneq sivikinnerpaamik ukiumik ataatsimik atasimappat.

*Imm.4. Meeraq assigiimmik angajoqqaami arlaanni najugaqartarpal, angajoqqaamut meeqqap inuit allattorsimaffiannut nalunaarutigineqarami najugaqarfisaaanut, isertitai akileraarutaasussat aallavigalugit tunniunneqassapput.*

**§ 4.** Inuup uppernarsarsinnaaguniuk, isertitat akileraaruteqaataasussat meeqqanut tapiissutinik tunniussinermut tunngaviusussat, annertuumik ataavartumillu allannguuteqarsimasut, isertitassatut naatsorsuutigineqartut tunngavigalugu meeqqanut tapiissutinik tunniussissalluni communalbestyrelsi aalajangersinnaavoq.

*Imm. 2. Ilaqtariit Kalaallit Nunaannut nuuttut, § 1-impi piumasaqaatinik eqqortitsigunik, nuunnermik kingorna qaammammi siullermiit meeqqanut tapiissutinik tunineqarsinnaapput, communalbestyrelsip isertitassatut naatsorsuutigineqartunik naliliinera tunngavigalugu.*

*Imm. 3. Isertitassatut naatsorsuutigisanik naatsorsuisarnermut kiisalu qaqugukkut isertitat ataavartumik annertuumillu appariartarnerat pillugu malittarisassanik Naalakkersuisut aalajangersaasinnaapput.*

## Kapitali 2

### Meeqqanut tapiissutit tunniunneqartarnerat

**§ 5.** Angajoqqaat najugaqatigiippata, meerarlu taakkunani najugaqartpal, meeqqamut tapiissutit meeqqap arnaanut tunniunneqartassapput, tapiissutit ataataasumut tunniunneqarnissaat isumaqatigiissutigineqarsimatinngu.

*Imm. 2. Meeraq angajoqqaat arlaat najugaqarfipagut meeqqanut tapiissutit tassunga tunniunneqassapput. Meeraq angajoqqaamini tamani assigiimmik najugaqartarpal, inuit aqqisa allattorsimaffianni meeqqap najugaqarfiatut nalunaarsorneqarsimasumut tunniunneqartassapput.*

*Imm. 3. Meeraq nammineq aqqissuussamik ilaqtariinnut inissinneqarsimappat, angajoqqaarsianut tunniussisoqartarnissaanik kommuni aalajangiisinnaavoq.*

*Imm. 4. Meeraq atuarfimmi najugaqarfutigisumiippat, efterskolemi taassumaluunniit assigisaani najugaqartpal kommuni aalajangiisinnaavoq meeqqanut tapiissutit tamakkiisumik tamakkiisuunngitsumilluunniit meeqqamut tunniunneqartassasut.*

**§ 6.** Meeqqanut tapiissutit siumut qaamatikkaartumik tunniunneqartassapput.

*Imm. 2. Meeqqanut tapiissutit tunniunneqarsinnaanissaannut piumasaqaatit, qaamatikkipineqartup ulluani siullermi, eqqortinneqarsimassapput.*

*Imm. 3. Meeqqanut tapiissutit siullermeerlugit tunniunneqartassapput qaammammi qaamatikkipiisinkaatitaalerlerup tullianit. Kingullermik tunniussineq pisassaaq qaammammi tapiissutinik pisinnaatitaanerup atorunnaarfiani.*

*Imm. 4. Meeqqap soqutigisaasa pisariaqartitaasalu tamanna pisariaqalersippassuk communalbestyrelsi aalajangiisinnaavoq meeqqanut tapiissutit tamakkiisumik ilaannakortumilluunniit nioqqtissanik pisissutissangorlugit tunniunneqartassasut, imaluunniit communalbestyrelsip aalajangersagai malillugit aqunneqassasut.*

*Imm. 5. Meeqqanut tapiissutit tunniunneqartarnerannut malittarisassanik Naalakkersuisut*

aalajangersaasinhaapput, tassunga ilanngullugit ukiukinnerusunut tapiissutinik tunniussisarnermi aqutsinermilu malittarisassanik aalajangersaaneq.

### Kapitali 3

*Aqutsineq, aningaaasalersuineq, naammagittaalliuuteqarsinnaaneq il. il.*

**§ 7.** Meeqqanut tapiissutinik tunniussisoqarnissa kommunip innuttaaffigisap pisussaaffigaa.

Qinnuteqartoqaqqaarnani, tunniussisoqartarnissa kommunalbestyrelsip sulissutigissavaa. Meeqqanut tapiissutit angissusissaasa naatsorsorneranut paasissutissat pisariaqartut pissarsiarineqarnissaat communalbestyrelsip pisussaaffigaa.

*Imm. 2.* Inatsisartut inatsisaat naapertorlugu pisinnaatitaasoq kommunimut allamut nuuppat, kommuni nuuffiusoq paasissutissanik pisariaqartunik kommunimut qimanneqartumut qinnuteqassaaq. Kommuni nuuffiusup kommunillu qimanneqartup akornanni paasissutissat qarasaasiatigut pissarsiarineqarsinnaapput.

**§ 8.** Meeqqanut tapiissutinik kukkunkkut tunniussisoqanngitoorsimasoq communalbestyrelsip paasippagu ilisimatinneqaruniluunniit, kukkuneq tapiissutinik pisinnaatitaasumiinngippat, meeqqanut tapiissutinik tunniussisoqarnissaanik pisinnaatitaalerfiup aallartinneranii tunniussisoqassaaq.

*Imm. 2.* Piumasaqarsinnaaneq pisoqalissaaq pisoqalisut pillugit malittarisassat nalinginnaasut malillugit.

**§ 9.** Meeqqanut tapiissutinik tigusisartup pisussaaffigaa communalbestyrelsimit pissutsinik meeqqanut tapiissutinik naatsorsuisarnermut tunniussisarnermullu pingaaruteqartunik, kiisalu pissutsit taakku allannguiteqarnerinik tapiissutit ikilineqarnissaannut tunniunneqartarunnaarnissaannulluunniit tunngavittut pingaaruteqartunik nalunaaruteqassalluni.

*Imm. 2.* Meeqqanut tapiissutinik tunniussinissamut tunngavigineqartussanik isertitat akileraaruteqataasussat pillugit paasissutissanik communalbestyrelsi pissarsiniarsinnaavoq.

*Imm. 3.* Meeqqanut tapiissutinik nalunngereeraluarlugu tigusassarinngisaminik tamakkiisumik ilaannakortumilluunniit tigusaqartup tigusassarinngisani kommunimut ingerlaannaq utertissavai, aningaaasallu taakku utertinneqartut landskarsimut utertinneqassallutik.

**§ 10.** Meeqqanut tapiissutinut aningaaasartuutit landskarsimit akilerneqartassapput.

*Imm. 2.* Utertitsilluni akiliisarneq, naatsorsuutinik saqqummiussisarneq, kukkunersiusarneq aamma nakkutilliisarneq pillugit malittarisassanik Naalakkersuisut aalajangersaasinhaapput.

**§ 11.** Inatsit manna tunngavigalugu aalajangiinerit isumaginnitqarfiup aqunneqarnera aaqqissuunneqarneralu pillugit Inatsisartut peqqussutaat malillugu naammagittaalliuutigineqarsinnaapput.

### Kapitali 4

*Atortuulersitsineq*

**§ 12.** Inatsisartut inatsisaat manna 1. marts 2010-mi atortuulerpoq.

*Imm. 2. Peqatigisaanik meeqqanut tapiissutit pillugit inatsisartut peqqussutaat nr. 11, 31. oktober 1996-imeersoq atorunnarsinnejarpooq.*

*Namminersorlutik Oqartussat, ulloq 7. december 2009*

Kuupik Kleist

/

Maliina Abelsen

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut